

局先 705

74103

地 13081

平

雲
南
縣
志

靈壽縣志序

靈壽於真定三十二州縣中，最爲瘠壤，其民遇豐歲，菽飯藿羹，僅免溝壑；一遇水旱蝱雹之災，流離轉死，不可救藥。蓋在前代已然，兵燹之後，元氣益復衰耗，以故文獻散佚，無徵按史傳所記故事，詢之士人，無有能道之者。大禹治衛，疏鑿何所？鮮虞中山之時，疆理若何？武靈惠文屯兵何方？昌國君遺址安在？樂叔繼封何鄉？何里邳侯食采第宅何存？何年始廢曹武惠韓忠獻父子聚族何村？始遷何代？大聖大賢之故迹，如烟雲之過目，不可復求。穆然徒見滹沱流而太行峙而已。卽戶口之盛衰，賦役之繁簡，典禮之廢興，自明以前亦湮沒不可考，豈不可慨也哉！國學生傅君維樞，憫舊志之殘缺，網羅放失，舊聞彙緝成編，藏於家塾，筆削詳畧，具有法度，不鑿不濫，然其已湮沒者亦末如之何也。適余奉部檄徵縣志，因取其書稍爲更定，附以管見，分爲十卷，聊以備採擇云爾。閱是編者，見其土瘠民窮，慨然思爲政者宜安靜，不宜紛更，寧損上毋損下，寧便民毋便官，則可矣。若曰一方之文獻在是，則余與傅君皆不能無愧焉。

胄

康熙乙丑仲夏

賜進士出身直隸定府靈壽縣知縣當湖陸隴其謹序

凡例

一定府志分表紀志傳今總謂之志其人物志卽傳也而表紀則缺焉蓋一邑之小文殘獻缺不能如府志之詳

一靈壽土瘠民貧居官者知此然後不敢以紛更聚歛爲事土著者知此然後不敢以侈靡爭競爲能綱領所在故隨處提醒

一郡邑志例有八景悉屬湊合曲陽志獨刪之差強人意蓋觀山川者當知其源委形勢沾沾於景抑末矣况又牽合乎今悉不載卽縣境一圖亦止以山川爲經村落爲緯無取於景

靈壽縣志

凡例

一

一舊志凡官廨昔有今無者不敢輒削但就本地之下註曰久廢以志桑滄之感今依之

一牌坊之建蓋表厥宅里之意所重在人不在于坊買櫝還珠無取乎耳故名臣賢士旣表章於各傳中不復載其坊額

一闢邪崇正爲政之大防故佛老寺觀槩不敢載如魯相邪林止因事而見

一天下通行如文廟儒賢位次籩豆牲帛之數儀注祭文詳在會典者俱不載

一賦役關係民生休戚故備詳沿革不厭其煩

一官師選舉止詳本朝亦本舊志斷自明初之例非敢擅削也

一名臣言行如樂昌國曹武惠彰彰於正史者止存其畧俱不詳載

一風雲月露之篇無關地方利病者俱不載

一名賢著述如朱仲福之折中厯法因兵燹散失訪求未得亦從闕如

一靈壽舊志修於萬厯丙子者缺畧不全修於康熙壬子者草創未就國學生傅君維樑因前二志益以已所聞見序次成書詳畧有法取舍不苟此編雖稍有更定然大半本

靈壽縣志

凡例

二

於傳書前後序論則係管見亦有出自傅君者求當理而已不復分別某人之言中間隨筆所記不成論者則皆以一按字冠之

陸隴其識

歷修縣志姓氏

康熙乙丑重修

明嘉靖庚寅創修

知縣豐城李廷璋

教諭汝陽張 繹

舉人 王維藩 董宗魯

監生 李 鰲 張 復

生員 彭舜卿 吳純仁 尹欽德 申舜臣

嘉靖丙申較刊

知縣湘潭石如鰲

訓導洪洞范 登

靈壽縣志

姓氏

生員 趙景暘 楊希哲

萬曆丙子重修

知縣南豐張 照

教諭昌樂王 纘

訓導聊城王 基

進士 傅鳴會

舉人 楊騰芳 耿德章

生員 董尚純 馬朝用 楊騰奇 侯三聘

馬思選 尚東儒 王慎行 貢繼志

國朝康熙壬子重修

知縣臨城衛秦龍

訓導安州姬基

廣順知州傅維模

貢生 康國盛

監生 傅維棧

官生 傅燮詞

生員 吳奇光 董朝英 馬鴻勛


靈壽縣志

姓氏

二

靈壽縣志姓氏終

康熙丙寅
秋較刊



靈壽縣志

縣圖

西至平山縣界二十五里

請村落間有舊志不載者據今增入

自平山流入靈邑境

里八界縣

靈壽舊志地圖簡甚康熙二十三年奉 上諭命天下繪輿圖因偏歷境內山川考其源委纂成是圖一邑之經緯昭然在目矣然欲明其大勢非觀畿輔全圖不可按畿輔之水惟永平之灤滹諸河自入海其餘皆歸於衛白二河以入海衛發源衛輝府至天津而入海白河即滹河至天津三岔口與衛河合流入海大名之水如洹如淇皆自入衛順德廣平之水如滏陽如漳皆經大陸會於滹沱以入衛滹沱至獻縣分流一支入白真定之水如滹如易彙為白溝河如徐如雹彙為高陽河保定之水如滹如易彙為白溝河如徐如雹彙為長流河皆會於任 縣趙北口之四角河又東至霸州保定縣為玉帶河又東入白順天之水如拒馬如琉璃皆會於滹河合玉帶河而入白大抵千支萬派而衛白二河其綱也入衛諸水滹沱其綱也入白諸水滹河及趙北口之四角河其綱也以禹貢之則濟水大陸在任縣鉅鹿衛漳恒衛大任皆在畿輔澤水在冀州大陸在任縣鉅鹿隆平寧晉一帶滏陽漳水之所經也九河在南皮衛漳即漳水之合滹沱者也恒水在唐縣或云即派河衛即靈壽之衛非發源衛輝者也大任山在滹縣東南不與西北諸山相接謹列其大略附於圖

未庶有心者知所考云

靈壽縣志 目錄

康熙乙丑重修

卷之一

地理志

沿革 疆域 分野 山川 風俗
古蹟 社里 集市 紀事 方音

卷之二

建置志

城池 公署 學宮 壇廟
官舍 關梁 丘墓

卷之三

祀典志

秩祀 羣祀

災祥志

物產志

卷之四

靈壽縣志

目錄

田賦志

上

卷之五

田賦志

下

卷之六

官師志

勲封 邑令
師儒 僚屬

卷之七

人物志

后妃 名臣 仕蹟
孝義 隱逸 列女

卷之八

選舉志

卷之九

藝文志 上

卷之十

藝文志 下

卷之末

附錄 條陳 志議

寧壽縣志

目錄

二

靈壽縣志目錄終

康熙丙寅
秋較刊

地理志

地理之變遷多矣微史家之記述後之人孰從而辨之故自禹貢職方而外二十一家之史蓋莫不兢兢焉雖叢爾邑在宇宙中特大倉之一粟然分封有沿革疆域有廣袤星野有分屬山川有源委染而爲風俗久而爲古蹟以至鄉社街市廢興不一皆爲政者所不可不知也

沿革

靈壽禹貢冀州之域春秋時屬鮮虞國威烈王時建中山國屬中山魏樂羊伐中山取之文侯封樂羊於靈壽中山復國

靈壽縣志

卷之一 地理

桓公徙都靈壽其後不恤國政爲趙武靈王所滅漢置靈壽縣屬常山郡晉北魏皆因之後周立蒲吾郡隋開皇中廢郡爲縣隸恒山義寧元年以縣置燕州唐武德四年州廢改隸并州貞觀十七年并州廢還隸恒山大厯三年置泚州於行唐以縣及恒陽隸之九年泚州廢縣還故屬元和十五年避穆宗諱改恒山爲鎮州縣仍隸焉宋熙寧六年省爲鎮入行唐八年復置縣金因之元至元中以曲陽爲恒州立元帥府領縣後恒州廢隸定路明洪武元年改路爲府遂爲真定府屬縣 國朝因之

按靈壽在戰國時屬中山然中山世次國都史無明文左傳定公四年晉荀寅謂諸侯方武中山不服中山之名見

經傳始此杜預云中山縣處考昭公十二年杜注云鮮虞
自狄別種在中山新市縣則今之新樂縣也漢初置中山
郡景帝改爲國治盧奴則今定州豈鮮虞舊都新樂至定
哀之際遷都定州歟史記六國表威烈王二十二年中山武
公初立徐廣謂是西周桓公之子則鮮虞既滅周乃以封
桓公之子威烈十八年魏文侯克中山後三十年其子
武侯之世趙又與中山戰於房子其時蓋已復國漢書地
里志謂靈壽中山桓公居此是中山既復國之後徙都靈
壽也合而觀之自新樂而定州而靈壽者中山之國
都也自白狄別種而武公而桓公者中山之世次也
論曰靈壽晉以前皆隸常山郡然漢常山治元氏晉常山
治定隋唐以來或隸并州或隸涿州或自爲郡或省爲
鎮沿革之故亦不一矣自爲政者好紛更而郡邑變易無
常作史者至不可勝紀本朝定鼎悉仍前代之舊豈不
善乎

靈壽縣志

卷之一 地理

二

疆域

靈壽縣在府治西北五十里至京六百五十里東至行唐縣
界一十五里至行唐縣治四十五里西至平山縣界一十五
里至平山縣治三十里南至平山縣界八里北至阜平縣界
七十里至阜平縣治一百五十里東南至定縣界一十五
里西南至平山縣界一十五里東北至行唐縣界二十里西
北至山西五臺縣界一百九十里至五臺縣治二百九十里
論曰前史但載郡縣之名而不載其疆域故莫得而考焉
據今所至列於篇自漢以來其卽如是耶其不如是耶不
可得而知矣若夫民心無常惟惠之懷封疆雖設可以限

地不可以限民是又在長民者加之意也

分野

周禮保章氏以星土辨九州之地所封封域皆有分星以觀妖祥漢書云昴畢冀州月令章句曰自胃一度至畢六度謂之大梁之次清明穀雨居之趙之分野帝王世紀曰自胃七度至畢十一度爲大梁之次於辰在酉謂之作噩於律爲姑洗斗建在辰今趙分野二說度數稍異而星次則同皆舉全趙言也晉書云趙郡入畢八度 定入畢十三度新唐書云自濁漳之北據中山 定逾衆山盡代郡爲畢分則從 定府而西北專屬畢舍不得槩以冀之昴畢趙之胃昴畢例之靈壽縣志

卷之一 地理

三

又自奎至胃曰降婁之次爲魯分野自畢至東井曰實沈之次爲晉分野靈壽居 定西在禹貢爲冀州域在全趙爲西北隅也東去魯遠而西與晉隣詳稽諸說顯在畢宿所屬

論曰分野之說賈公彥謂古者受封之日歲星所在之辰僧一行謂是山河之首尾與雲漢之升降相應論者往往疑其不同余以爲二說一也賈公彥言其流僧一行推其源而已惟山河與雲漢旁之列宿相應故歲星在其地則受封雖千百世皆如是占可也

山川

附龍崗在縣東北二里

赤岸在縣西二里土色如丹砂

白馬崗在縣東八里相傳崗下有白馬害稼隱見不常民禱於神而捕之害遂寢

長崗嶺在縣北十五里勢如伏龍

聖佛嶺在縣西北六十里

文山在縣西北六十里上有周文王廟今按此地不應有周文王迹或云是趙惠文王

魯栢山在縣西北六十里東峯若翔鳳名鳳凰石西峯若卧象名卧象石石有竅人可僂而過又名玲瓏巖兩峯對峙飛瀑出懸崖下注爲潭謂之龍門中建禪定寺寺後有廳

靈壽縣志

卷之一 地里

四

穀石絕頂有通慧庵東山有太子峪相傳爲春秋時魯世子修道處不見經傳不可信山多產栲

楸山在縣西北七十里山多產楸有古刹

橫山嶺在縣西北八十里靈邑山凡東西連亘者總名曰前山後山獨橫嶺橫枕兩山間自富豪山發脈長陸平崗南止慈瀆若虎豹踞而龍蛇走也

漫山在縣西北八十里

石佛峪在縣西北八十里山溪北向抵石壁乃折而西流注於慈河

石門山在縣西北八十五里北倚富豪山登嶂巉峭壁立萬

尋分爲十巽作九石門皆懸崖山斷溪流湍激深寂幽邃
駸隔人世山居數家柴門茅茨其男女蠢蠢與鹿豕相爾
汝焉

富豪寨山在縣西北九十里山勢峻拔高山雲表下視楸栢
諸山培塿耳初從山麓有鳥道可通至半則峭立如壁僅
生石乳攀蘿側足而過者數十步漸達於頂乃平曠可耕
向在兵革邑人避難其地多獲全焉山北屬阜平

朱山寨在縣西北九十里舊志謂朱買臣艾薪於此買臣吳
人不在此相傳之誤也

佛護山舊志在縣西北一百里今查在縣西北七十五里

靈壽縣志

卷之一 地理

五

祁林山在縣西北一百一十里北齊趙郡王高叡歷遊太行
勝槩得朱山之陽建祁林寺置僧舍二百餘間擇行僧二
千餘眾居之齊亡寺亦荒廢繼盛於元之大德間今殿宇
規制雖無當日之盛而奇峯四列林谿幽麗山靈固自無
損焉

滴水塘溝山在縣西北一百二十里流泉爲塘其水甘以清
居民多取用焉

砂嶺山舊志在縣西北一百三十里今查在縣西北一百十
里產解玉砂砂隱於石石剝而砂始出色舉以碧質堅以
潤玉工用之治玉所謂他山之石可以攻玉者是也內府

製晶玉器必需之每逾數萬工部輒檄縣採解動至一二萬
觔開鑿賦運舉費鉅靈民一大累也

王母山舊志在縣西北一百五十里今查在縣西北一百五
里上有王母廟與平山縣接壤即古房山漢章帝元和三
年幸趙祠房山

大喫水山 小喫水山兩山相連在縣西北一百五十里山
北即團清口

銀洞山在縣西北一百六十里
四嶺山在縣西北一百七十里

六嶺山在縣西北一百九十里 按平山縣有六嶺關與
昔地接壤非此山也

靈壽縣志 卷之一 地理 六

赤陘砦 飛吳砦見宋史地理志今不詳其處

松陽河發源柳家庄萬裏村諸處歷縣治西南兩關外東南
入滹沱河府志云源發楸山按今楸山之木其東者入慈
河其西者合平山之南店河入滹沱皆與松陽河隔遠大
抵萬裏村諸處皆係楸山之麓康熙七年秋水溢隄決自
是歲為民患今日浸及城垣矣宜修治

又按松陽河宜去陽字舊志作嵩陽者亦誤按水經廣注
及東鹿縣滹沱河碑皆作松曰松陽者邑之別名也邑治
於松之北水北曰陽故曰松陽以嵩
誤松復以邑名誤水名竟兩失矣

淤泥河在縣東關外南入松陽河有橋有亭皆名曰文興環
亭皆種蓮

滹沱河發源山西太原府繁峙縣歷代州崞縣忻州定襄
臺孟縣入直隸 定府平山縣自平山至王覺村始入本
縣境南至牛城村折而東過忽凍胡庄木佛同下諸村又
南入 定縣界在本縣境內自王覺全同下約共長十七
里皆與平山縣隔河為界在縣西十五里縣南五里禮記
曰晉人將有事於河必先有事於滹沱山海經曰大嶷之
山滹沱之水出焉自 定府城南歷藁城晉州東鹿至冀
州會滏漳二河過衡水武邑武強至河間府獻縣分為二
支一東流為鹽河一南流交河縣抵青縣含河口入運河
計流經直隸地方共長七百七十六里遷徙不常光武永

合處在深州今深州無水

按漢書地理志以滹沱為禹貢九河之徒駭蔡九嶠謂滹
沱不與古河相涉而取鄴民程氏之說謂九河之地已淪
於海深州志載嘉靖時深州知州山陰錢榘云班固以滹
沱為徒駭未必無據禹時黃河北流西山諸水皆東注入
河滹沱其一也滹沱正在大陸北不得謂與古河不相涉
九河即恒山以東諸水逆河即易水逆與易音相近呼稍
訛耳黃河自南而北易自北而南故曰逆河相合東行趨
入直沽故曰同為逆河入於海蓋前以今保定真定諸水
為九河逆河皆天作之川禹特疏而合之而非分河之謂
也又謂漢唐諸備以九河在滄州南皮東光間者皆非滄
州南皮東光皆在大陸正東且濱海矣又何藉于分播耶
大陸北播經有明文滹沱為北播之始易水為北播之終
其說似是但如此則禹貢九河既道之支應在冀州不當
在兗州矣先儒求之東光南皮之間又求之碣石之海而
謂滹沱與古河不相涉豈無謂哉洪荒
之事本難臆斷存之以備一說可也

衛河在縣東十里南入滹沱河禹貢曰恒衛既從漢書地理